

**Серкан Каймактың "6D010900 – Математика" мамандығы бойынша
“философия докторы” (PhD) ғылыми дәрежесін алуға ұсынылған
««Тригонометрия» тарауын өзара оқыту әдістемесі негізінде
оқушылардың математика пәніне қызығушылығын арттыру»
тақырыбы негізінде дайындаған диссертациялық жұмысына ғылыми
кеңесшінің**

ПІКІРІ

Бұгінгі таңда ғылыми техникалық прогресстен туындаған ақпарат көлемінің қарқынды өсуі нәтижесінде заманауи және инновациялық әдістерді қолдана отырып, жаңа ақпаратты өндіру және өндеу проблемасының маңыздылығы арта түсude. Соңдықтан білім берудің жаңа парадигмаларын іздеу міндеті өзекті болып отыр, оның негізгінен іргелі, тұтастық, мәдениетпен байланысты нығайту, жеке тұлғаның дамуына және оның мүдделерін қанағаттандыруға бағытталады. Математиканы оқытудың мазмұнын таңдау және құру кезінде біз білім беру жүйесі оқушыларды тек хабардар ету емес, оларға ақпарат ұсынып, кері байланыс алу, оқыту мен үйрету әрекеті оқушы түйсігіне неғұрлым көп бағытталып, өзіндік ізденуге жағдай тудыруды дамытуға баса назар аударуымыз керек.

Қазіргі кезеңде математиканың қоғамдағы білім беруді ізгілендіру және тұлғаны әлеуметтендіру құралы ретіндегі рөлі артып келеді. Сонымен қатар, математика жаратылыстану пәнінен гөрі гуманитарлық бағыт ретінде қарастырыла бастады. Ойлау мен қабылдаудың өнімділігі, пәндік сөйлеуді дамыту, дәлелдеудің логикалық толықтығы, ақыл-ой қабілеттерін дамыту, егер ол ақылға қоныымды ұйымдастырылса, математикалық білімнің нақты нәтижесі болуы мүмкін.

Соңғы онжылдықтарда қоғамның азаматтардың математикалық біліміне деген қажеттіліктері айтарлықтай өзгерді. Математикалық білімді кәсіби бағытта оқытудың өсіп келе жатқан тенденциясы басқа ғылымдарда математикалық әдістерді қарқынды қолданумен байланысты, олардың кейбіреулері қазіргі әлемдегі адамның өмірі мен әлеуметтенуіне тікелей әсер етеді. Математика курсының мазмұны және оның кәсіби қызметке бағытталуы болашақ мамандардың кәсіби құзыреттіліктерін сәтті шешудің кілті деп айта аламыз, бұл өз кезегінде болашақ педагог мамандарды кәсіби бағытта оқытудың маңызды факторы болып табылады.

Қазіргі технологияның қарқынды дамуы, болашақ педагог мамандардың менгеруі керек оқу пәндерінің мазмұнына айтарлықтай әсер етеді, соңдықтан математиканы оқыту кезінде мұғалім математикалық құзыреттілікті игеріп қана қоймай, сонымен қатар осы білімді математиканы оқуда және болашақ кәсіби қызметте жауапкершілікпен, шығармашылықпен қолдана білуді

үйренуі керек. Педагог маман үшін математикалық білімнің маңыздылығы математиканы оқытудың кәсіби бағытымен де анықталады, бұл жаңа білім беру парадигмасының қалыптасуына байланысты өте маңызды.

Докторант Серкан Каймактың ««Тригонометрия» тарауын өзара оқыту әдістемесі негізінде оқушылардың математика пәніне қызығушылығын арттыру» тақырыптық зерттеу жұмысы, болашақ педагог мамандар үшін ықтималдық теориясы мен математиканың қосымша тарауларын оқытудың кәсіби бағытын күштейту, жоғары кәсіби білімге тән қажеттілігі және мектеп қабырғасында математикалық пәндерді кәсіби бағытта оқытуды жүзеге асыру әдістемесінің жеткіліксіз дамуы зерттеудің өзектілігін анықтады. Себебі, Серкан Каймактың қарастырып отырған математиканы кәсіби бағытта оқытудың мазмұнының қалыптасуы, оқу жоспарлар мен бағдарламалардың өзіндік ерекшеліктері т.б. мәселелер зерделенбegenдіктен, оларды бүгінгі қоғамның, әлеуметтік ортаның сұраныс талабына қарай қолдану жолдарын қарастыруымыз керектігін негізден беріп отыр.

Диссертант ««Тригонометрия» тарауын өзара оқыту әдістемесі негізінде оқушылардың математика пәніне қызығушылығын арттыру» тақырыптыбы бойынша зерттеу жұмысын жүргізген педагогтар, философтар мен психологиярдың еңбектерін жан-жақты талдап, жүзеге асыруға қатысты идеялары мен көзқарастарын жүйелі түйіндеуі осы еңбектің ғылыми деңгейін көрсетеді және келесі реттегі зерттеу жұмысының нақты ғылыми жаңалығы бар нәтижелерге ие болғанын дәлелдейді:

- Математиканы оқытуда пәннішілік және пәнаралық байланыстарды жүзеге асырудың кәсіби бағыты мәселелері бойынша психологиялық-педагогикалық, ғылыми-әдістемелік әдебиеттерге талдау жүргізілді.
- Мектептерде математикалық пәндерді оқытудың ерекшеліктері қарастырылып, мектепте математиканы оқытудың кәсіби бағытын жүзеге асыру, білімгерлердің бастапқы математикалық дайындық деңгейіне, олардың математиканы оқуға деген мотивациясына байланысты екеніндігі анықталды.
- Оқытудың кәсіби бағыты идеяларын көрсететін заманауи әдеби оқу материалдарына қойылатын әдістеме мен негізгі тәсілдерге талаптар тұжырымдалды.
- Мектепте математиканы кәсіби бағытта оқытуды жүзеге асыру әдістемесінің тиімділігін растайтын эксперименттік тексеру жүргізілді және соның нәтижесі бойынша кәсіби бағытта оқытудың әдістемелік ұсынымдар езірленді.

Диссертация жұмысында зерттеуден алынған нәтижелері, тұжырымдары дұрыс сипатталған, зерттеудің мазмұны дұрыс сипатталған, жұмысының

негізгі мазмұны мен тұжырымдары толық жарияланған. Зерттеудің негізгі нәтижелері, қағидалары, анықтамалар, кестелер мен суреттер арқылы аннотацияға қойылатын талаптарды толық қанағаттандырады.

Серкан Каймактың диссертациялық енбегін құрылымдық жағынан аяқталған теориялық және қолданбалы маңызы бар ғылыми жұмыс ретінде бағалауға болады және болашақ ғалым ретінде бойында алдына мақсат қоя білу, ізденімпаздық, зерттеушілік қасиеттерінің жоғары екендігі байқалады.

Ізденуші зерттеу жұмысының негізгі тұжырымдары мен нәтижелері бойынша әдістемелік нұсқау мен кітап тарауы және мақалалары Скопус, Қазақстан Республикасы Білім және ғылым министрлігі жанындағы Білім және ғылым саласындағы сапаны қамтамасыз ету Комитеті бекіткен басылымдармен қатар, халықаралық, республикалық ғылыми-практикалық конференцияларда жарияланған.

Серкан Каймактың ««Тригонометрия» тарауын өзара оқыту әдістемесі негізінде оқушылардың математика пәніне қызығушылығын арттыру» тақырыбында жазылған диссертация мен аннотация мазмұны және рәсімделуі ҚР БФМ білім және ғылым саласындағы сапаны қамтамасыз ету комитеті талаптарына сәйкес келеді. Атап айтқанда, зерттеу тақырыбының өзектілігі, ғылыми нәтижелерінің жаңалығы Қазақстан педагогика ғылымына үлес қосатын зерттеу деп есептеймін,

Сондықтан Серкан Каймактың ««Тригонометрия» тарауын өзара оқыту әдістемесі негізінде оқушылардың математика пәніне қызығушылығын арттыру» тақырыбында жазылған диссертациясын "6D010900 – Математика" мамандығы бойынша “философия докторы” (PhD) ғылыми дәрежесін алу үшін диссертациялық кеңесте қорғауға ұсынамын.

Отандық ғылыми кеңесші:

**Сулаймен Демирель атындағы университетінің профессоры
педагогика ғылымдарының докторы**



Балта Н.

[Handwritten signature]
31/01/2022